

Tungkol saan ang modyul na ito?

Matutunghayan sa modyul na ito ang katangian at payak na pangarap ng isang Pilipino. Ikaw, ano ang iyong katangian? Ano ang iyong pangarap sa buhay? Mababasa sa modyul na ito ang mga paraan kung papaano mo mararating ang mga pangarap na ito.

Maliban dito, matututuhan mo sa mga aralin ng modyul na ito ang pagsusulat, pagbabasa at pagbibilang.

Ang modyul na ito ay nahahati sa dalawang aralin.

Aralin 1: Pinoy Kami

Aralin 2: Wish Ko Lang

Ano-ano ang matututuhan sa modyul na ito?

Matapos mapag-aralan ang modyul na ito, magagawa mo na ang sumusunod:

- natutukoy ang mga ugali at katangiang Pilipino
- naibabahagi ang mga pangarap sa buhay
- nakababasa ng mga payak na pangungusap batay sa paksa
- nakasusulat ng mga payak na salita at parirala na tumutukoy sa paksang tinalakay at
- nagagamit ang simbolong pamilang sa pagdaragdag

Ano-ano ang alam mo?

Isulat sa sagutang papel ang tsek (✓) kung ang mga katangian ay pamilyang Pilipino at ekis (x) kung hindi.

- _____ 1. Sama-samang nagsisimba tuwing Linggo.
- _____ 2. Pumupunta sa mga bahay-aliwan.
- _____ 3. Nagtutulungan sa gawaing-bahay.
- _____ 4. May pagpapahalaga sa edukasyon ng mga anak.
- _____ 5. Sama-sama sa iisang bubong pati mga anak na may asawa na.